

17  
1593  
HARANGVE

FAITE AV ROY, 1593

Par Messieurs les Deputez du Corps  
de la Noblesse.

*Monsieur de Nossy portant la parole.*



A PARIS,

De l'Imprimerie de la Vefue I. G V I L L E M O T,  
Imprimeuse ordinaire de son Altesse Royale, & de  
la Ville, ruë des Marmouzets, proche  
l'Eglise de la Magdelaine.


M. DC. LII.

THE NEW YORK PUBLIC LIBRARY

ASTEN LENOX AND TILDEN FOUNDATIONS

500 N. 5TH ST. NEW YORK, N. Y.

1895



THE NEW YORK PUBLIC LIBRARY  
ASTEN LENOX AND TILDEN FOUNDATIONS  
500 N. 5TH ST. NEW YORK, N. Y.  
1895

1895

THE NEW YORK PUBLIC LIBRARY  
ASTEN LENOX AND TILDEN FOUNDATIONS  
500 N. 5TH ST. NEW YORK, N. Y.  
1895



# H A R A N G V E

FAITE AV ROY,

Par Messieurs les Deputez du Corps  
de la Noblesse.

*Monsieur de Nossy portant la parole.*



S I R E,

Nous exposerons à Vostre Majesté en peu de mots le sujet de nostre deputation, les longs discours ne sont ny de saison ny bien feans en la bouche d'un Corps, dont le zele & la fidelité à vostre service, doit se faire paroistre par des effets.

C'est le dessein de tous ceux qui le composent, qui attendent avec impatience esgale à leur deuoir les ordres de Vostre Majesté pour se rendre aupres d'Elle.

Ils auoient tousiours esperé que l'honneur qu'ils ont seuls dans l'Estat de vous auoir pour Chef les garantiroit d'opression, & l'on peut dire qu'ils sont accablez.

Cette verité paroistra à Vostre Majesté, par le Cahier duquel ils la supplient tres-humblement que lecture soit presentement faite, & de leur faire justice.

*Ensuit le Cahier.*

S I R E,

Il n'y a point de deuoir plus legitime & plus naturel que nostre fidelité pour Vostre Majesté, non seulement parce que vous estes nostre Roy, mais aussi parce que nous auons seuls des trois Ordres l'honneur de vous auoir pour Chef. Cette verité nous persuadoit, qu'ayant iugé necessaire pour le remede à nos besoins de nous assembler, nos intentions ne pouuoient estre



rendus suspectes à Vostre Majesté, bien que nous n'en eussions pas eu vne expresse permission, & neantmoins ce malheur nous est arriué apres en auoir successiuiement obtenu plusieurs de bouche & par escrit.

La premiere de nos Assemblées tenuë à Paris en 1649. en fait foy, le projet s'en fit dans le Cabinet de la Reyne lors Regente, apres son consentement, & fut sollicitée par les personnes qui auoient l'honneur de l'approcher de plus pres, Vostre Majesté l'approuua de l'aduis de la Reyne vostre Mere, ce que nous sceusmes de la bouche de Messieurs les Mareschaux Destrée, de Chombert, de l'Hospital & de Villeroy, qui furent enuoyez d'Elle vers nous, avec pouuoir de nous en asseurer.

La susdite Assemblée ne se separa qu'apres auoir obtenu Breuet de Vostre Majesté signé de sa main & des quatre Secretaires d'Estat, portant seureté de la promesse qui nous estoit faite, que nulle maison de Gentilhomme n'auroit le rang de Prince, ny n'en pourroit prendre la qualité; & qu'apres auoir deputé vers Vostre Majesté, en laquelle deputation Monsieur le Mareschal Destrée portant la parole exposa nos plaintes, auxquelles & particulierement aux excez des gens de guerre, la Reyne promit au nom de Vostre Majesté vn remede present, comme aussi à l'vsurpation injuste de la qualité de Gentil-homme, & promit de rassembler en cas d'inexecution desdites promesses données par escrit & de bouche.

En vertu de quoy les mesmes oppressions ayant multiplié les souffrances auxquelles le soulagement nous auoit esté promis, nous fusmes contrains de nous assembler à Paris en 1651. où pour remedier à tant de desordres pressans, il fut resolu de demander l'Vnion à Messieurs du Clergé, nous l'obtinmes facilement de leur pieté pour la sollicitation d'un si juste dessein de concert entre nos deux Ordres. Il fut arresté de demander à vostre Majesté par l'entremise de Monsieur le Duc d'Orleans, lors Lieutenant General de l'Estat, & de Messieurs les Princes du Sang, la tenuë des Estats generaux que Vostre Majesté eut la bonté de leur accorder par escrit signé de sa main, de celle de la Reyne Regente, & des quatre Secretaires d'Estat, & de leur donner aussi pouuoir de s'engager à nous de vostre part à ladite tenuë; ce qu'ils firent par d'autres escrits signez de leurs mains, & qui portoient pouuoir de nous donner en Vostre Nom permission expresse de nous rassembler, si l'ouuerture ne s'en faisoit dans ce temps promis en ces termes. Et ce pour nous joindre à Monsieur le Duc d'Orleans, & à Messieurs les Princes du Sang, pour aduiser ensemblement à tout ce qui sera necessaire pour le bien & serui-ce de Vostre Majesté, & à la tenuë deldits Estats, sans que nous en puissions estre blasmez ny estre imputez à aucune faute ou manquement de ce que nous deuons à Vostre Majesté, quelques ordres ou commandement mesme que nous puissions lors en recevoir au contraire.

Les temps de tenir les Estats ayans passé sans que l'ouuerture en aye esté faite, le pillage, violences, & actions execrables des gens de guerre estant arriué au point qu'un chacun les scait & les sent, nous aurions creu estre cou-

pable

RBC/NCU



5  
pables des maux aduenir, si en ayant obtenu la promesse par la voye de nos Assemblées. Nous le continuons pour en demander à Vostre Majesté l'exécution avec tout le respect & la submission que nous luy deuons dans le besoin que nous auons de restablir Vostre Authorité, & de la maintenir contre les entreprises de vos Ennemis, ne connoissant que ce seul moyen efficace pour y paruenir, tirer vos peuples de l'opression, & particulièrement nous qui ne pouuons estre affoiblis, ayans l'honneur d'estre vos membres, que vous ne vous en ressentiez.

Le fondement de nos Assemblées ainsi establysans nous seruir de celuy que nous fournissent les Ordonnances sur les reglemens des gens de guerre qui y sont expressees. N'auons-nous pas vn extrême sujet de douleur de voir que les Lettres escrites par Vostre Majesté à Messieurs du Clergé & à Monsieur de Liancourt, Nous traitent comme si nous n'auions ny permission ny cause de nous assembler, & de voir que nos Calomniateurs ont fait de tres-fortes impressions sur Vostre Esprit; nous le connoissons par leurs termes pleins de soupçons sur les particuliers de nostre Assemblée, de doute que les resolutions ne soient contraires à vostre seruice, comme si la lascheté de l'abandonner n'estoit pas nostre ruine. Nos franchises & nos immunités y sont nommez priuileges; & faisant l'honneur d'escire à tous les Ordres du Royaume, au Clergé presentement qui nous est vny, à celuy qui nous est inferieur, lors que vous desirerez de luy quelque obeissance. Vous vous seruez à nostre seul esgard de moyens pour nous informer de vostre volonté, & declarez dans les susdites Lettres, que la bien-seance empesche que nous ne receuions de Vous ce mesme honneur. Vostre Majesté y nomme nostre conduite vne faction, vne cabale, vne entreprise directement contraire aux loix de Vostre Royaume, laquelle blesse Vostre Authorité, renuerse l'ancien ordre de Vostre Estat, & est preiudiciable à nostre Corps, qui seul ne peut subsister sans vous estre vny.

Nos Assemblées, SIRE, ne peuuent estre condamnées; la resolution de nos dernieres les iustifie suffisamment par l'Arresté de demander la Paix, & d'employer nos soins & nos vies pour la faire conclurre à la satisfaction de Vostre Majesté, & au bien du Public.

Qui dans l'Estat, SIRE, a plus de droict que nous à faire cette demande, puisque la guerre ne peut continuer qu'au prix de nostre sang, & que dans la Paix nous deurions exercer les Charges, & faire les fonctions les plus releuées. Ce seroit Vostre seurreté, SIRE, & Vostre grandeur, d'employer des sujets Nobles incapables d'actions indignes de leur naissance. Vostre Majesté s'en souuiendra, s'il luy plaist, pour remedier au déplaisir de Vostre Noblesse, de n'estre pas employez dans Vostre seruice. Elle vous demande encor cette Paix tant desirée, s'offre d'y trauailler, & supplie tres-humblement Vostre Majesté de luy vouloir donner part à la consommation d'un bien si necessaire.

Tous ces bons mouuemens, SIRE, ne nous ont pû empescher d'estre



blasmez de Vostre Majesté, comme nous amusans à dresser des escrits & des projets d'union nullement necessaire, au lieu d'estre en ce temps proche de nostre Roy pour chasser les estrangers de son Estat, sans qu'aucun vous aye fait entendre qu'il y eust autre moyen pour produire le seruice que Vostre Majesté a tesmoigné desirer de nous dans les Assemblées generales; l'esprit du Corps tout Noble, & partant tout Royal, y preside & se communique à tous les particuliers, desquels en detail il y en peut auoir qui n'ont pas le mesme sentiment. Ainsi jamais Vostre Majesté ne peut tirer de secours si puissant, laissant agir chacun seul à seul, que lors qu'ils seront assemblez, la preuue en est évidente par la suite de nostre conduite; laquelle ayaut inspiré nos resolutions dans toutes vos Prouinces, par la communication de nos Arrestez & par nostre lettre Circulaire, Ils se sont trouuées en estat pour la pluspart de monter à cheual, ou en volonté de traualler pour s'y mettre avec toute la promptitude possible. Ils nous en ont donné des assurances en la derniere tenuë à la Roheguyon: mesme nous en auons esté sollicité par les Deputez presens de diuers Bailliages selon leur sentiment, & pour obeir aux termes de vostre Lettre escrite à Monsieur de Liancourt; Nous resolûmes de monter incessamment à cheual pour courir sus à vos Ennemis, esloigner de vostre Estat selon vos Ordres ce qui en trouble le repos, mourir plustost que de souffrir qu'il demeure interrompu, & effacer de vostre Esprit par nos seruitices, les impressions que nos Calomniateurs y ont portées.

Si l'effet de ce mouuement genereux de nostre Corps a esté differé iusques icy, ceux qui n'auoient pas nostre mesme dessein, & qu'ils s'y sont opposez en sont sans doute les coupables, & sont les veritables factieux & cabalistes; qui ayant trauallé parmy nous à ruiner la fin de nos bonnes intentions, avec autant de malice, que vos vrais seruiteurs auoient de chaleur pour en solliciter l'accomplissement, Ont semé de mesme temps par leurs Emissaires aupres de Vostre Majesté tout ce qui l'a pû preuenir de soupçon contre nostre fidelité, parce que ne voulant concourir avec nous au maintien de Vostre Authorité, ils nous en vouloient empescher la gloire.

La deference, **SIRE**, que nous auons eüe au sentiment de Monsieur de Liancourt d'en surseoir l'execution, qu'il n'a pas creu estre suiuant l'intention presente de Vostre Majesté, n'a rien diminué de l'impatience que nous auons de marcher au premier Ordre que nous en receurons d'Elle; & par cette marque de nostre obeïssance, nous esperons en obtenir le commandement.

Alors l'on connoïstra l'vtilité des Assemblées de Vostre Noblesse, & l'on jugera qu'au lieu d'estre seules condamnées dans Vostre Royaume, elles deuiroient estre seules establies, parce que ce Corps estant vostre bras droit, il ne peut manquer à la Royauté, & ne doit iamais aussi estre diuisé pour la soutenir plus fortement, & que ceux qui les ont sollicitées, ont l'auantage de nous auoir ouuert vn chemin que nous deuons tousiours suiure, puisque rien ne peut plus solidement affermir Vostre Couronne. Ce qui nous donne



la liberté de supplier tres-humblement Vostre Majesté de nous en continuer la permission, & trouuer bon qu'elles s'establissent par des Deputez de chaque Bailliage.

L'vniou inseparable de nos interests avec les vostres, **SIRE**, nous donne lieu de faire scauoir à Vostre Majesté quelques-vns des points les plus pressans, & qui vont à l'entiere ruine de nostre Ordre que vous estes obligez de soustenir pour en estre soustenu seurement; Pour vous faire connoistre que ce n'est pas sans sujet, que nous cherchons quelque soulagement à nos maux. Et d'autant que les autres Ordres y sont interessez, nous desirons ardemment que la distribution des graces que nous vous demandons & vostre protection, ne soit pas bornée à nostre seule vtilité, & qu'elle coule abondamment sur tous vos sujets. La reformation des excez que commettent les gens de guerre des concussions de quelques Gouverneurs des Ordres en blanc, est vne des plus grande.

A ces plaintes, **SIRE**, Nous demandons à Vostre Majesté vn remede pressant, par la deffence expresse à tous gens de guerre & Gouverneurs, de commettre à l'auenir rien de semblable, & le permettre par escrit en forme donné à toute la Noblesse de Vostre Royaume, de s'assembler en cas d'inexecution de ce present Commandement, & se seruir des Communes pour y faire obeir.

Nous faisons particuliere instance à Vostre Majesté de faire justice à toute Vostre Noblesse, de l'outrage qu'elle a receu à Chartres, dont l'impunité depuis neuf mois passe aux Ennemis pour vn mespris de vostre part, & pour vne insensibilité de la nostre, qui augmente de iour en iour leur insolence, dont la consequence n'est pas moindre pour vostre autorité, que pour nostre seureté.

Les Commissions données pour les Tailles, dans lesquelles les Gentilshommes sont compris, & celle par lesquelles nostre seureté a esté abandonnée aux Preuosts des Marechaux sont encores tres-essentiellles. Il ne nous est pas moins necessaire de supplier tres-humblement Vostre Majesté, de reuoker toutes lettres de Noblesse accordées sans connoissance de cause, & par argent, Et declarer nulle toutes possessions vsurpées ou achetées par plusieurs particuliers, en vertu dequelles ils jouissent de nos franchises & immunitéz, au deshonneur de nostre Corps, & à la foule de Vostre Peuple. Ces dernieres leziou moins violentes & toutesfois tres-importantes, peuuent attendre leur remede dans les Estats Generaux qu'il vous a pleu nous indiquer à Tours le premier Nouembre prochain: Dont nous rendons nos tres-humbles remerciemens à Vostre Majesté, & la supplions, que puis qu'elle a eu la bonté de nous les accorder comme necessaires à la reformation des abus, le pouuoir de nous assembler soit confirmé en forme, si l'ouuerture desdits Estats n'est pas faite au jour indiqué, & de nommer dès à present six de chaque Bailliage pour les solliciter par tous les moyens qu'ils iugeront à propos, Afin que par la negligence de les requerir, plusieurs mal-intentionnez,



ou qui en craignent les décisions n'essayent lors à persuader à Vostre Majesté qu'ils ne sont pas desirés, & qu'à l'exemple present l'on ne noircisse dans vostre estime ceux, qui sans autre interest que vostre seruice & du bien general de la Monarchie le voudroient entreprendre.

Après quoy, ayant tres-humblement supplié Vostre Majesté de recevoir favorablement ce Discours, que nostre zele à vostre seruice a produit pour nous justifier aupres d'Elle, luy rendre quelques-vnes de nos plaintes, luy faire nos demandes, & pour luy prouuer tout ensemble nostre obeissance & nostre soumission, Nous la supplions encore tres-humblement de nous informer de ses volonteés par sa bouche, auant que de nous retirer de la Cour; afin de les communiquer à ceux qui nous ont deputé, & qui la desireront impatiemment.

Il nous reste, **SIRE**, d'adjouter l'offre de nos personnes, de nos vies, & de celles des Gentils-hommes de nos Bailliages, qui attendent les Ordres de Vostre Majesté; afin qu'ils se puissent montrer dignes successeurs de ceux, qui par la force de leurs armes ont mis la Couronne que vous portez, sur la teste des Roys vos predecesseurs, & qui la conseruant au prix de leur sang & de leur vie, ont merité le titre glorieux de bras droit de leur auctorité.

Signé de l'ordre exprés de l'Assemblée,

**CHARLES D'AILLY-ANNERY.**